

lis Gnovis

UDIN. Messe par furlan

A Udin, la Messe par furlan e ven cjantade ogni sabide a 18, li de capele de «Puritât», daprûf dal domo. Sabide al prin di Jugn e compagnarà la celebrazion liturgjiche la corâl «Feagne» di Feagne. Al cjantarà messe pre Carlo Dorligh, plevan di Midiuze. Radio Spazio e trasmet sul moment, ogni setemane, dute la liturgjie.

PUART. Par che ducj a puedin stâ ben



Sabide 1 di Jugn, e cole la «Zornade mondiâl de diminuzion»: une di interie par cure dai partesans dal

model ambientâl economic e sociâl popolarizât di Serge Latouche e di Maurizio Pallante par mostrâ che «Par ducj al è pussibil vivi benon». Intant de zornade – presentade tal lûc internet globalday.degrowth.info – ancje tai pais fra Tiliment e Livence, dulà ch'al opere un dai «Circui pe legre diminuzion», si procurarà d'inmanea ocasions par confrontâsi su la justizie globâl e su la sostignibilitât e par progjetâ lis azions necessariis par «une societât che no dipent di une incressite economiche cence limits». In Europe, l'iniziativa e cole intant dal «European Sustainable Development Week», programât dai 30 di Mai ai 5 di Jugn, e tai ultins dîs dal Festival talian pal svilup sostignibil (www.festivalsvilupposostenibile.it).

Joibe 30 S. Canzi e S. Canzanile

Vinars 31 S. Lisabete

Sabide 1 S. Gjustin

Domenie 2 Sense dal Signôr

Lunis 3 S. Carli

Martars 4 S. Quirin

Miercus 5 S. Bonifaç

Il timp Cualchi tampiastade



Il soreli
Ai 29 al iève aes 5.22
e al va a mont aes 20.48.



La lune
Ai 3 Lune gnove.

Il proverbi
Al è un brut mistîr
chel di fâ ridi.

Lis voris dal mê
Si puedin semenâ ancje melisse, mente,
maiorane, rosmarin, salvie, savôrs.

Teatri nostran in gjonde

L'«Associazione teatrâl furlane» e à premiât i miôr tescj pal teatri



Il vincidôr dal Concors de «Associazione teatrâl furlane», Carlo Tolazzi

In spiete dal «Teatri stabil» e dal grant pas viers chel vèr teatri «nazional» e «professionâl» bramât di Nico Pepe ancje pal Friûl, l'«Associazione teatrâl furlane» («Atf») e va indevant saldo cu la sò ativitât di promoziun dal Teatri amatorâl. Ai 12 di Mai, intant de «Setemane de Culture furlane» da la «Societât Filologjiche», e à organizât a Listize la premiazion dal XII «Concors di Tescj pal Teatri in Lenghe Furlane». Carlo Tolazzi, cu l'opare «Pan di ogni di», e Stefano Gasti, cu «Lassaitnus vivi», a à cjapât il prin e il secont premi. Cun di plui, e je stade segnalade une tierce vore, «Fin a prove contrarie», scrite di Paolo Sartori, ch'al veve za vinçût la X edizion dal concors cun «Une di e une gnot». La fieste di Listize e je stade inmaneade cul jutori des Compagniis teatrâls dai concors, al ven a stâi il Circul filodramatic «La Risultive» di Talmassons, la Compagnie filodramatiche «Nespoledò 80» di Gnespolêt, la Filodramatiche

In 12 edizions dal Concors si son confrontâts 160 autôrs, ch'a àn scrit 305 oparis. 25 tescj premiâts a son za stâts rapresentâts

«L'Arjar» di Sante Marie di Sclaunic e il «Scjap di Fantasie Teatrâl Dietroteatro» di Udin. In chês stesse di, al à stât presentât ancje il voluzion dal concors: «La Machine dal Timp» di Gino Marco Pascolini, «Rosis intai crets» di Cristina Di Gleria, «La Cragne» di Carlo Tolazzi e «La Magie da Lis Peraluis» di Franca Mainardis. I atôrs des Compagniis impegnadis te organizazion a àn proponût, in forme di leture seniche, une cerçe des oparis premiadis e di chês stampadis, par cure di «Filologjiche» e di «Atf». I puartevoś dal zurî, che chest viaç lu

davin dongje Gianni Cianchi, president, Dani Pagnucco pe «Filologjiche», Eddi Bortolussi pal «Ente Friuli nel Mondo», Fabiano Rosso de «Agenzie regionâl pe lenghe furlane» e Marianna Femetich e Francesca Simonetti pe «Associazione Teatrâl Furlane», a àn motivât la sentence artistiche, segnalant i meritis dai autôrs e lis cualitâts des oparis premiadis. Nassût par rinovâ la dramaturgie regionâl e par dismovi l'interès des Compagniis e dal public pal teatri regionâl, il Concors de «Atf», dal 1989 incà, al à rivât adore d'ingaiâ autôrs innomenâts come Carlo Sgorlon e Leonardo Zanier e al pues proferî fra i siei vincidôrs scritôrs come Gianni Gregoricchio, Giovanni Morsan, Alberto Luchini, monsignôr Pietro Biasatti («Pieri Santon»), Luciano Rocco e Giacomo Vit. Il repertori produsût intant des 12 edizions al conte passe 160 autôrs e 305 tescj teatrâi. Fra chei premiâts, a son passe 25 chei ch'a son stâts rapresentâts ator pai teatrîs de Patrie, in grazie ancje de assistance tecniche de «Associazione Teatrâl Furlane» (www.associazioneteatralefriulana.com), che in zornade di vuê a son associadis parie 51 compagniis des provinciis di Gurize, di Pordenon e di Udin.

Mario Zili

Scopri il mutuo al passo con la tua vita

LA PRIMA RATA GRATIS, PER AFFRONTARE LE PRIME SPESE CON PIÙ TRANQUILLITÀ

UN'APP PER SEGUIRE LA TUA RICHIESTA DI MUTUO

Messaggio pubblicitario con finalità promozionale. "Mutuo Crédit Agricole" è un prodotto del Gruppo bancario Crédit Agricole Italia. A garanzia del mutuo viene iscritta ipoteca. Il documento contenente le Informazioni Generali sul Credito Immobiliare Offerto ai Consumatori è disponibile in filiale e sul sito delle Banche del Gruppo. Le concessioni del credito è soggetta ad approvazione della Banca. In caso di scelta del tasso variabile con tetto massimo, il tasso non andrà mai oltre la soglia stabilita. L'App di mobile banking "howbanking" è un servizio riservato ai clienti delle Banche del Gruppo. Per avere maggiori informazioni sulle condizioni economiche e contrattuali consulta i Fogli Informativi disponibili sul sito delle Banche del Gruppo e in filiale.

CRÉDIT AGRICOLE
Una grande banca, tutta per te.

NUMERO VERDE 800 011 085
WWW.CA-MUTUOADESSO.IT